

變猩草之鮮紅爛太霞之朝采奪景鳥之晶熒絃  
已浮乎龍水綃何羨乎蛟宮蓋其技巧始於渡海  
之黃姬彰聞出自戀闕之鉅公忘萬家之膏腴邀  
一日之歡棕傳觀內近遂入公宮一匹遂抵於干  
緡聯筐始幸於重瞳民已窮而益偏霜旣結而冰  
從嗚呼嗟乎苟醬竹杖天馬蒲萄通西國而開越  
嶠窮異詭而馳臆胸啓皇武之遠畧罪臣騫之作  
俑朝槿不思其暮落寒灰尚戀夫冬烘竟殘桃之  
取戾何獻曝之耿衷今聖主龍飛問民疾苦諸非  
著令改不暖坐首蠲茲役郵我隕仆尚衣之絺繡  
有章進御之浮靡不取免徭征之巨累始息肩而  
就卧雖紅紗之綱運尚存而紹璫之督課稍安客  
乃瞿然作而言曰甚哉鄙人不知民之病苦若是  
也九月授衣猶以爲晚終歲作勞祁寒不免吾又  
何敢袖手以向人徒

盛時泰報恩塏賦

出都門以  
游衍今經

長干之故墟瞻寶塏之岑聳今心四顧而踟躕始  
卜築於孫吳旣再興於晉馬獲石內之三珠得函  
中之半髮光煜燿而亂輝色青紺而騰發惟金粟  
之自烟出玉毫而普現乃寶氣之燭幽故慈光之